

Sujevjerja koja kvare iman

U našem narodu se uobicajilo vec generacijama praktikovati razne stvari koje su Islamom zabranjene ili koje cak izvode iz Islama. Tako mnogi neuki ljudi nemaju imana iako sebe smatraju Muslimanima. Drugi pak klanjaju obavezne namaze ali se upuštaju u stvari kojima između namaza pokvare svoj iman (vjerovanje). Stoga je svrsi shodno da s Allahovom dželle šanuhu pomoci ukažem na sve one prakse i vjerovanja za koje licno znam da su bile svojstvene Bosanskim Muslimanima. Moj naum nije da bilo koga proglašavam nemuslimanom ili krivovjernikom nego samo da ukažem onima koje zanima istina i stvarno stanje stvari iz perspektive Islamskog Zakona (Šeri`ah) onako kako su nam to objasnili istinski ucenjaci Sunni Muslimana. Allaha Velicanstvenog molim za uputu i pomoc svima onima koji svjesno ili nesvjesno vjeruju ili rade ono što kvari iman i vodi u paklenu vatru. Amin!

Stvari koje su ustaljene među Bosanskim Muslimanima:

1. Ogledanje u fildžan (šoljicu kahve),
2. Gledanje u dlan od lutajucih cigana,
3. Bacanje graha ,
4. Pravljenje carki (sihira),
5. Otvaranje zvijezde (kod nadri-hodže),
6. Obracanje horoskopima,
7. Polaganje vijenaca i cvijeca na kabure,
8. Paljenje svijece umrlima,
9. Podizanje skupih i nepotrebnih spomenika umrlima,
10. Ostavljanje vode na prozor (odredeni broj dana nakon smrti bližnjega),
11. Imitiranje Bosanskih kršćana i pagana,
12. Zastupanje neislamskih i anti-islamskih partija i pokreta,
13. Ignorisanje Islamskih praksi i vjerovanja,
14. Ismijavanje Islamskih ucenjaka,
15. Neslijedenje Islamskih pravnih institucija (mezheba).

1. *Ogledanje u fildžan* je vrlo stara i rasprostranjena praksa među svim narodima Balkana a osobito među Bosanskim Muslimanima. Žalosno je to da i pored prisustva mnoštva hodža u skoro svakom većem selu ta praksa i dalje ostaje aktuelna i rasprostranjena. Neukost je važan faktor koji doprinosi konstantnoj dinamici ove opasne prakse. Naime ogledanje fildžana u okviru Islamskog prava spada u praksu i vjerovanje krivovjerstva (širka). U vrijeme Vjerovjesnika Muhammeda među Arapima je bilo uobicajeno da gataju tj. proricu šta će se nekome desiti u budućnosti. Ta praksa se spominje u Kur`anu kao bacanje strelica ili proricanje:

"O vjernici! intoksikanti i kockanje i gatanje strelicama su odvratne stvari, šejtanovo djelo: pa se toga prodite da bi ste se spasili." (el~Maida: 90)

Sahih El-Buhari Hadith 4.571 Prenio Ibn Abbas

"Kada je Vjerovjesnik ugledao slike u Ka'bi, on nije htio u nju ući dok ih Ashabi nisu izbrisali. Kada je ugledao (slike na kojima su navodno Ibrahim i Ismail `alejhimu selam bacali strelice proricanja), on je rekao, "Allah ih prokleo (tj. Kurejšije)! Tako mi Allaha, niti je Ibrahim a niti Ismail gatao strelicama."

Kockanje: mejsir: literalno, metod ili sredstvo da se nešto lahko postigne, ubirati profit bez uložena truda za isti; te je tako kockanje. To je princip na osnovu kojeg je kockanje zabranjeno. Najrasprostranjeniji oblik kockanja među Arapima je bio kockanje bacanjem strelica, na principu lota (lutrije): strelice su bile oznacene, i služile su istoj svrhi kao i moderni tiketi lota i ostalih lutrija. Oznacene strelice su se izvlačile iz torbe. Neke su bile prazne i onaj ko bi ih izvukao ne bi dobio ništa. Druge su bile obilježene određenim nagradama, malim ili velikim. Da li je osoba dobila malu ili veliku nagradu (udio), ili pak ništa, je potpuno ovisilo o sreći, osim ako neki nisu i varali pa je bilo naštmano da naivne osobe stalno gube. Princip na osnovu kojeg se kudi ovakva praksa je: da, čak i ako nema varanja, ti možeš dobiti ono što nisi na dozvoljen način zaradio, ili izgubiti zaradeno na kušnju zakona vjerovatnoće. Bacanje kocki i kladenje na razne vidove sportova i druge stvari je validno uključeno u definiciju kockanja. Kako vidimo iz hadisa bacanje strelica se koristilo i kao vid proricanja budućih događaja. Vjerovjesnik je prokleo one krivovjerne Kurejšije koji su potvrdili Ibrahima i Ismaila

alejhimu selam da su proricali bacanjem strelica. Ogledanje u fildžan ima istu svrhu i cilj kao i ovo bacanje strelica a to je da se dokuci znanje o budućim povoljnim ili nepovoljnim događajima.

2. Gledanje u dlan. Druga dosta uobicajena praksa među Muslimanima Bosne je donekle vezana sa ovom prvom po pitanju svrhe ali je još opasnija od prve iz tog razloga što izvodi iz Islama. Naime danas je u svijetu dosta popularno icip šarlatanima koji ogledaju u tarot (karte) i dlan. Citanje dlana je jedan vid proricanja budućnosti isto kao i tarot a kod nas su to uglavnom radili lutajući cigani koji ili nemaju nikakve vjere ili su mnogobošci kao njihovi pretci u Indiji. Vjerovjesnik (sallallahu `alejhi ve sellem) je rekao o takvim ljudima:

Sahih El-Buhari Hadis 4.508 Prenosi Ajša

Vjerovjesnik (sallallahu `alejhi ve sellem) je rekao, "Kad Meleki razgovaraju u sred oblaka o stvarima koje ce se desiti na Zemlji, šejtani nacuju koju rijec i prenesu je u uho proroka (gataru) kao kad neko nešto ulije u flašu, i k tome dodaju još stotinu svojih laži."

El-Tirmizi Hadis 551 Prenio Ebu Hurejre

Vjerovjesnik (sallallahu `alejhi ve sellem) je rekao, Muškarac koji pristupi supruzi dok ima menstruani period, ili pristupi svojoj supruzi odpozada (obavi analni polni odnos), ili ode kahinu (vidovnjaku, gataru), on je zanijekao ono što je Objavljeno Muhammedu.

A u Ibn Medžehovoj i Darimijevoj verziji istog hadisa se kaže: ...Kahin, i ako mu povjeruje, onda je pocinio Kufr (nevjerstvo).

Iz ovoga je jasno da je posjeta gataru rigorozno osudena a onaj ko gataru ili vidovnjaku povjeruje ono što mu rekne više ne pripada Islamu. Ogledanje u fildžan, citanja dlana, tarot i rijeci vidovnjaka su na istom nivou te onaj ko u to povjeruje je napustio Islam. Takva osoba mora uciniti tewbu (pokajati se Allahu) i nikad više ne pristupiti takvim stvarima. Danas je popularno posjecivati vidovnjake koji navodno vide i cuju duhove i koji imaju moc da ih otklone iz necije kuce i slicno. Ljudi idu tim vidovnjacima da se posavjetuju o karijeri, važnim odlukama i braku sa njima. Muslimanima je strogo zabranjeno da takvo što cine a ako povjeruju u njihove rijeci onda su napustili Islam. Stoga vrlo je ocigledno da je citanje dlana od ciganki i drugih vidovnjaka apsolutni haram i onaj ko njima povjeruje je postao nevjernik. Allahu Milostivom se utjecemo od takva vjerovanja i ponašanja.

3. Bacanje graha je takode dosta aktuelna praksa među Muslimanima Bosne i Hercegovine. Neke neznalice cak pripisuju tu praksu hadreti Fatimi `alejha selam, plemenitoj kcerki Vjerovjesnika (sallallahu `alejhi ve sellem). Teško se njima i onima koji im povjeruju. Bacanje graha je isto kao i pred-Islamsko bacanje kamencica koje i danas koriste neka primitivna plemena u Africi kao metod gatanja i proricanja budućnosti. To je potvrđeno i Vjerovjesnikovim hadisom ispod:

Ebu-Dawudov Sunen Hadis 3898 Prenio Qabisah

"Cuo sam Allahova Vjerovjesnika (sallallahu `alejhi ve sellem) kada je rekao: Proricanje od leta ptica i vjerovanje u zlu kob podpada pod proricanje. Tarq: To se koristilo kao metod proricanja tako što su žene bacale kamencice (a Bosanke grah)."

Ne samo da je to djelo koje vodi u kufr nego i gnusna potvora na jedno savršeno i plemenito bice kao što je bila hadreti Fatima `alejha selam za koju je Vjerovjesnik rekao da ce biti voda (sejjida) svim ženama u Džennetu. Allahov Vjerovjesnik (sallallahu `alejhi ve sellem) nikad ne bi dopustio da njegova omiljena kcerka cini nešto pokudno a kamoli nešto što izvodi iz Islama. On je rekao da kad bi njegova kcer Fatima, koju je najviše volio, bilo šta ukrala on bi joj ruku odsjekao. Stoga onima koji mogu izvrđavati da je ona mogla imati neke povlastice kod Vjerovjesnika zato što je bila njegova miljenica ja kažem da je to apsolutno nemoguće jer je krada naspram gatanja mnogo manji grijeh, jer krada u najgoru ruku remeti socijalnu ravnotežu i harmoniju a gatanje vodi u nevjerstvo, sukob i sujevjerje koje je vladalo prije Islama.

4. Vracanje i pravljenje magije (sihra) je akcija koja automatski izvodi osobu van Islama. Vracanje je smrtni grijeh koji pofrazumjeva kufr tj. nevjerovanje. Šejtani nemaju nikakva interesa da suraduju s vracarem osim da ga naprave idolopoklonikom i one koji mi vjeruju. Allah dželle šanuhu je obecao u Kur`anu da vracari nece uspjeti ni na ovom a ni na drugom

svijetu. Kod nas se cesto cuje kako narod ide kod kojekavih hodža da im zapišu da rastave muža i ženu, da naprave da neko nekog zamrzi itd.

Onaj ko tome udovoljava je napustio Islam i onaj koji traži da mu se takva usluga ucini je takode napustio Islam jer i jedan i drugi žele zlo drugima a još traže pomoc od šejtana što je najgpre pripisivanje Allahu šupranika (širk). Allah nas Milostivi sacuvao takvih pomisli a kamoli da ih u djelo sprovedemo. Šejtan je vrlo lukav u svom nastupanju. On prvo navede insan da ne voli drugu osobu pa da je onda zamrzi pa da joj onda zlo poželi pa da na kraju tu zlu zamisao u djelo sprovodi. Muslimanima je obligatno (fard) da nauce kako šejtan donosi zle misli i koje trikove koristi da navede ljude krivim putem. Ovo znanje je itekako zastupljeno u Tesawwufu i oni koji ga ignoriraju su lahke žrtve šejtanskih intriga. Stoga je neophodno svakome da nauci da je šejtan dušmanin koji nikad ne spava i nikad se ne odmara i stalno neku smutnju sprovodi bili je mi svjesni ili ne.

Svaku negativnu misao moramo odmah blokirati i dovom prema Allahu i zikrom zamjeniti. Osoba koja ne troši vrijeme u mislima o Allahu i necemu pozitivnom ce zasigurno biti pod manjim ili veci uticajem šejtanskih negativnih misli (došaptavanja). Uznemireno i nezadovoljno srce je simptom šejtanskog uticanja na osobu a Allah Milostivi nam nudi izlaz kada kaže u Kur'anu,

"Oni koji vjeruju i cija srca se u Allahovom sjecanju smiruju. Usitinu u sjecanju na Allaha srca nalaze smirenost (zadovoljstvo)! (Er~Rad: 28)

Allah Mudri vrlo dobro poznaje ono što je stvorio i zna da ljudska srca nece biti smirena i zadovoljna sve dok iz sebe ne izbace sve šejtanske manifestacije i u njemu ne uspostave tron samo za Njega. Stanje netrpeljivosti i mržnje je vrlo opasno duhovno stanje koje zapravo prethodilo Iblisovoj pobuni protiv Allahove komande. Naime iskustvo je pokazalo da je covjek vrlo osoran i nepokoran kada mu je srce ispunjeno mržnjom i zavisti. Te dvije negativne osobine su oprecne osjecajima ljubavi i naklonosti.

Ako osoba duže vrijeme provede u mržnji i zavisti vrlo je vjerovatno da ce na kraju prioniti i da realizuje osvetu ili uništenje objekta svoje negativnosti. Žalosno je to da se takve stvari medu Bosanskim Muslimanima uglavnom dešavaju u krugu uske rodbine gdje se neuke svekrve ne trpe sa nevjestama ili punice sa zetovima. Tako onda vrzino kolo pode hvatati jedno po jedno dok šejtan ne trijumfuje njihovim medusobnim pravljenjem carki i smicalica. A da su se pri nastupu te netrpeljivosti okrenuli Allahu Milostivom za pomoc on bi im pomogao i šejtanske smutnje ih oslobodio.

"Da su samo, kada ih je od nas stigla muka, postali ponizni (smekšali se)! Ali (ne) njihova srca su otvrdnula i šejtan ih je zaveo tako da su sva svoja djela dobrim vidjeli!" (El~Enam: 43)

Ocigledno je da ce osoba koja se ne okrene prema Allahu kada je šejtan spopadne s negativnim mislima završiti u onome na što ju je šejtan pozivao. Netrpeljivost, mržnja i zavist su glavne kapije kroz koje šejtan osvoji tvrdavu ljudskog srca. Ako se te kapije ne zatvore osoba ce stalno biti u opasnosti da izgubi iman zato što se šejtan nece smiriti dok je ne izvede iz vjerovanja i Islama. Oni koji i dalje ignorišu sjecanje na Allaha (zikrullah) u svakoj doba dana i noci neka sami poslušaju šta im Allah porucuje,

"Zar onaj cije je srce Allah proširio i otvorio prema Islamu pa je dobio prosvijetljenje od Allaha nije bolji od onoga cije srce je otvrdlo? Teško se onima cija srca su otvrdnula prema sjecanju na Allaha! Oni su u otvorenoj zabludi!"

5. Otvaranje zvijezde (kod nadri-hodže) Kod nas u Bosni je bilo dosta onih koji su se predstavljali kao hodže a otvarali su ljudima zvijezdu tj. horoskop da im proreknu šta ih ceka u životu itd. Prvo onaj ko jeste istinski hodža nece takvu praksu nikada otpoceti nego je spriječavati i narod o opasnosti iste obavještavati. Nejsu ljudi bi cesto tako išli kod tih "hodža providura" koji bi im otvorili kitab, obicno je to bio horoskop na arapskom kojeg su te "hodže" tretirale kao nešto sveto i nadnaravno da bi ljudi cesto govorili otim "kitabima" s takvim strahopoštovanjem kao da su neuzubillah Allahova Objava. Ljudi bi onda dobili neke opce karakteristike koje se nalaze kod svih onih koji su rodeni u određenom dobu godine itd. te bi onda kada im nešto pogodi rekli, "Ahh jesi li cuo šta kaže, kako je on to znao o meni, jesam li ti rekao(la) da je on dobar (jak) hodža." To se zove eksploataisanje neukih od strane lukavih. Jedni drugima propast donose i još misle da su nešto dobro uciniili. Stoga ici takvom "hodži" koji ogleda u zvijezde i kitabe da ti rekne šta ti je bilo i šta ce ti biti je ravno odlasku

vidovnjaku (kahinu) bilo koje druge vjere. Pošto danas nema halifata mi ne možemo takve ljude pravno osuditi ikazniti ali apsolutno moramo od njih daleko bježati.

Nasuprot ovima šarlatanima postoje istinske hodže koje poznaju lijecenje od mentalnih i fizickih bolesti i koji koriste Islamske knjige i znanje da otklonu ono što ovi predašnji za pare skuju. Oni ne proricu nikome buducnost i ako nešto i reknu što bi tome moglo sugerirati posigurno je od meleka a ne od šejtana jer Allah Milostivi svoje iskrene robove nadahnjuje istinom a šejtani svoje robove nadahnjuju neistinom. O tim istinskim hodžama i njihovu nacinu rada možete pročitati više u ovom dokumentu.

6. Obracanje horoskopima U današnje vrijeme je vrlo popularno citati horoskope u novinama ili opsežnijim knjigama. Vjerovati u astrološka predskazivanja je takode akt koji izvodi iz vjere i praksa kojom se nište dobra djela kao što vatra ništi suha drva. Stoga Muslimanima nije dozvoljeno da citaju horoskope a ako im povjeruju onda su napustili Islam. Vjerovati da sazviježda ili druga nebeska tijela imaju o Allahu neki neovisni efekt na ljudsku sudbinu je idolatrija i sujevjerje. To potvrđuje i slijedeci Vjerovjesnikov hadis:

El-Muwatta Hadis 13.4 O ocekivanju i vjerovanju da Zvijezde donose kišu

Zejd ibn Halid el-Džuhani je rekao, "Allahov Vjerovjesnik (sallallahu `alejhi ve sellem), je klanjao sa nama sabah namaz na Hudejbiji nakon što je te noci kišilo. Kada je završio namaz obratio se ljudima i rekao, 'Znate li šta je vaš Gospodar rekao?' Oni rekoše, 'Allah i Njegov Vjerovjesnik najbolje znaju.' On je rekao, 'Neki moji robovi su otpoceli ovo jutro vjerujući u Mene, a drugi su ga otpoceli pobijajući Me. Što se tice onih koji kažu, 'Kiša nam je pala kao velika Allahova blagodati milost,' oni su povjerovali u Mene a zanijekali zvijezde. Ali što se tice onih koji kažu, 'Kiša nam je pala od te i te zvijezde, oni su Me zanijekali i povjerovali u zvijezde.' "

Kao što vidimo sva moc i odluka pripada samo Allahu Velicanstvenom i mi moramo vjerovati da samo Allah može staviti efekt u neku stvar da bi ona vršila neku akciju ili reakciju. Ništa osim Allaha Velicanstvenog ne može opstojati samo po sebi pa kako ce onda mimo Allaha neki efekt proizvesti. Allah Mudri i Milostivi ovim upozorenjem prekosvog Vjerovjesnika je htio da iz srca ranih Muslimana odstrani sujevjerje i nepotpuno razumjevanje funkcionisanja stvorenog svijeta koje je bilo uzrokom mnogih pred-Islamskih sujevjerja i neispravnih vjerovanja. Svako neispravno vjerovanje donosi negativnu posljedicu svome nosiocu i spriječava ga da ispravno spozna Allaha kao Apsolutnog Vladara i Upravljacka nad svime. Allah Milostivi je stvorio ljude da ga ispravno obožavaju a to ce biti nemoguće postici ako im vjerovanje ne bude potpuno ispravno.

Stoga se u mnogim ajetima i hadisima opominje na stvari koje same po sebi ne izvode iz Islama ali postepeno mogu odvesti covjeka van Islama. Šejtan je ekspert u oblasti intelektualne analogije i on je najefektivniji protiv ljudi u vesvasi tj. zavodnickom nanošenju iskrivljenih misli i poimanja istine i stvarnih cinjenica. Neka nas Allah Milostivi sacuva neispravna vjerovanja i rezonovanja jer samo je On Zaštitnik vjernika. Amin!

7. Polaganje vijenaca i cvijeca na kabure Osim gore navedenih opasnih obicaja naš narod u Bosni pa i u dijaspori sve više pokušava da imitira nemuslimane i njihove obicaje. Naime sve se cešće vide Muslimanske dženezas sa vjencima i raznoraznim buketima cvijeca u povorci koju cesto nose oni koji i nisu Muslimani ili otkrivene djevojke u crnini i Šeriatom zabranjenoj ženskoj odjeci. Tako naše džematlije umjesto da se skrušena srca usredsrede na smrt svoga brata ili sestre u vjeri i malo sami sebe na vlastitu smrt podsjetu oni se unezvereno na takve žene i djevojke pred sobom ibrete.

Gleda se hatur svakom obijesniku i nevjerniku a Allahov dželle šanuhu ponajmanje. Vrijeme je da hodže i ucevni ljudi u Bosni podu regularno posjecivati narod po selima džematima i da im drže predavanja o Islamskim doktrinama i opasnosti svih loših inovacija i nesmuslimanskih obicaja. Radi toga što su oni zakazali u tom trudu koji zahtijeva konstantnu budnost i osvježivanje naucnog medu džematlijama ljudi su zbunjeni i krajnje razjedinjeni pojavom raznih sektu u Bosni kao što su Šije, Ahmedije, Bahaije, Selefije, Nemezheblije, Hare Krišana, Jehove, šta sve još nije poniklo u krvavoj Bosni koja je skupo platila svoje odvajanje od Islamske tradicije i prijateljovanje s Allahovim i našim dušmanima. Druženje i zbližavanje s nemuslimanima se pokazalo krajnje negativno na neuke Bosanske Muslimane koji su svojim urođenim merhametom svakog vuka kao jagnje gledali.

Allah dželle šanuhu nam nije zabranio da im pomognemo ako su muhtac našoj pomoci ali nam je zabranio da ih volimo i u svoje srce i kuće upustimo. Koliko je samo Muslimanki za nevjernike otišlo radi našeg "brastva i jedinstva" s kafirima!? Koliko je brakova rastureno i siročadi ocviljeno da bi se šejtanska ideologija marksizma i demokratizma sprovela!? Ej babo ili nano šta ćeš Allahu reci kad te bude upitao što si kcer za kjafera udao. Kako ćeš objasniti kako to da se pijan kjafer po tvojoj kući valjao!? Kako ćeš objasniti da ti se sin nakon kjaferskih studija kjaferkinjom oženio pa kao i ona najstrag propao!? Mnogo pitanja a tako malo zadovoljavajućih odgovora.....Teško se nama koliko smo nemarni prema onom što svaki dan iščekujemo. Ja Rabbi nemoj da uzalud našu krv i patnju procerdamo i ocisti nas i potomstvo naše od onog cime Velicanstvo Tvoje negiramo. Amin!

8. Paljenje svijeca za dušu umrloga Druga praksa i običaj kod Muslimana u Bosni je paljenje svijeca za dušu umrloga koje njegova rodbina sa rahat lokumom ili halvom podjeli po sedmini, ceterestini itd. Prvo paljenje svijece kao cina ibadeta je nemuslimanski običaj koji je narocito svojstven kršćanima. Drugo paliti svijece kada se ima struja je nelogicno i nepotrebno rasipanje (israf) a Allah Silni kaže da su rasipnici braca šejtanova. Podjeliti hranu ili pare siromašnim Muslimanima je sadaka i to se prima za dušu umrlog ali paliti svijece je nemuslimanski običaji kao takav se treba obavezno ukinuti. Učiti Kur'an ili obaviti bilo koji drugi ibadet za umrlog je dozvoljeno. Sve što je Šeriatom utvrđeno kao pozitivno i korisno ono je dozvoljeno pa makr ine bila praksa Ashaba i prvih generacija Muslimana. Oni koji uokolo hodaju sa sveskama "sahih hadisa" o apsolutnoj zabrani inovacija stvaraju fitnu koja ne donosi nikakvu korist Muslimanima uopce a Bosancima pogotovo imajući u vidu svu složenost njihove političke i vjerske situacije. Vjerovjesnik (sallallahu `alejhi ve sellem) je rekao:

El-Tirmizi Hadis 4649 Prenio Abdullah ibn Amr ibn el-'As

Allahov Vjerovjesnik (sallallahu `alejhi ve sellem) je rekao, "Ne pripada nama onaj ko imitira druge vjere (narode). Nemojte imitirati Židove ili Kršćane, jer Židovi se pozdravljaju išaretom prstima a Kršćani išaretom dlanovima."

Stoga je ulema rekla da nije dozvoljeno Muslimanima da imitiraju Židove i Kršćane po pitanjima vjere i vjerskih običaja. Ukopavanje i obilježavanje smrti Muslimana kako posmrtnim obredima i kasnije nadgrobnim spomenima ne smije biti kao ona od nemuslimana.

9. Podizanje skupih i nepotrebnih spomenika umrlima O načinu označavanja Muslimanskih kabura dozvoljeno je označiti kabur umrlog s dva skromna nišana da mu potomstvo zna za kabur gdje ga mogu posjećivati i za njegovu dušu Kur'an ili dove učiti. Označavanje kabura nišanima je dobra tradicija pošto je zabranjeno po necijem kaburu hodati ili na njemu sjediti a to bi se vrlo često desilo kad kaburi ne bi nišanima bili označeni. Nema nikakvih osobitih propisa o kvaliteti nišana koji mogu biti od drveta i od kamena ali ne trebaju biti od mermerskih i drugih skupih materijala jer je to israf tj. rasipanje imovine koja se treba iskoristiti za prece svrhe koje će donijeti više nagrade i umrlom a i njegovu potomstvu.

Nažalost danas većina Muslimanskih kabura izgledaju kao grobnice faraona sa maulozejima ukrašenim figurama kojekakvih ptica i slikama umrlih na nadgrobnim spomenicima tako da čovjek više nije siguran da nije pogriješio greblje dok ne pročita imena umrlih na njima. Kad god prodem Muslimanskim grebljem upitam se kako je onima ispod i mislim se šta će biti samnom. Iskustvo pokazuje da kako čovjek uredi i provede svoj ovozemaljski život tako mu uredi i kabur. Ja Rabbi oprostite nam zaista smo mi sebi zulum učinili. Amin!

10. Ostavljanje vode na prozor (određeni broj dana nakon smrti bližnjega)

Kršćani nose hranu na grobove svoji umrlih vjerujući da će oni to okusiti ili da će ih bar želja minuti. Neki Muslimani radi slicne stvari pa sam lično znao da su neki ostavljali vodu na prozor određeni broj dana nakon smrti umrloga s vjerovanjem da to umrli možda pije ili da se time bilo kako opkoristi. To je jedno praznovjerie koje se uvuklo među Muslimane kroz generacije druženja sa nemuslimanima od kojih smo poprimili neke takve običaje. Svakom Muslimanu treba biti jasno da je umrli u poziciji gdje nema slobodu kretanja kao što mnogi neuki ljudi misle da duhovi umrlih lutaju ovim svijetom oko nas itd. Musliman kada umre prolazi kroz test i ispitivanje o svom vjerovanju nakon kojeg je ili stavljen na muke ako je nešto veliko grijehio ili je uspavan do Sudnjeg Dana ili ako je Šehid onda ima slobodu od Allaha da se kreće u svijetu koji mi detaljno ne poznajemo. Allah dželle šanuhu kaže:

"I ne recite o onima koji su poginuli na Allahovom putu: "Oni su mrtvi." Nikako, oni su živi iako

vi to ne vidite. (Bekara: 154)

Sahih Muslim Hadis 4651 Prenio Abdullah

Prenosi se od Masruqa koji je rekao: Mi smo pitali Abdullaha o Qur'anskom ajetu: "I ne mislite o onima koji su poginuli na Allahovom putu da su mrtvi. Nikako, oni su živi, uživajući blagodati u blizini svoga Gospodara...." (iii.169). I on nam je rekao: Mi smo pitali Vjerovjesnika (sallallahu `alejhi ve sellem) o znacenju ovog ajeta i on nam je rekao: Duše šehida žive u tijelu zelenih ptica koje imaju gnijezda u lusterima koji vise sa Allahova trona (arša). Oni jedu Džennetsko voće gdje god žele i onda se smire u tim gnijezdima ispod Prijestola. Jednom ih je Gospodar pogledao i upitao: Da li išta želite? Oni su rekli: Šta više možemo željeti? Hranimo se Džennetskim voćem gdje god želimo. Njihov Gospodar ih je tri puta upitao da li im išta duša želi. Kada su uvidjeli da će opet biti pitani, oni su rekli: O Gospodaru, mi bi voljeli kad bi ti htio da našeduje opet vratiš u naša tijela tako da opet možemo poginuti za Tvoje zadovoljstvo. Kada je Allah učinio sigurnim da su oni potpuno sretni i zadovoljni On ih je onda ostavio da uživaju neizmjerne blagodati na nebu."

11. Imitiranje Bosanskih kršćana i pagana Muslimansko imitiranje Bosanskih Kršćana je vrlo izraženo kao u Bosni tako i u dijaspori. Mnogi s njima slave božice uskrse, nove godine, kumljenja djece itd. Mnogi Muslimani su prihvatili običaj kumljenja djece po Kršćanskom običaju i sa vrlo alkoholiziranim gozbojama i igrankom. U Islamu mi imamo svoju Islamsku Novu godinu, također imamo svoje blagdane u vrijeme dva bajrama, mi imamo svoje obred koji se zove `akika pri kojem se za novorođeno muško dijete zakolju dva jagnjeta ili ovce a za žensko novorođence jedno jagnje ili ovca.

Djetetu se nakon sedam dana po rođenju nadaje ime i obrije kosa koja se onda izvaga i u toj težini srebra udjeli sadaka siromašnim Muslimanima. To sve treba da obavi otac djeteta a ako nemože ili ne zna onda to treba dati pobožnom bližnjem rodu ili lokalnom ucenjaku da za njega obavi. Ako roditelji nisu imućni da obezbjede ovakav obred onda s njih spada ova dužnost. Nije dozvoljeno nemuslimanu da obrije glavu Muslimanskom novorođenom djetetu kako je to kod nas uzajamnim kumstvima postao običaj. nije dozvoljeno obred pratiti bilo kakvom zabranjenom aktivnošću kao što trošenjem alkoholnih pica i mješanjem muškaraca i žena, strasnom muzikom i igranjem.

Povodom bilo kakvog vjerskog obilježavanja sretnih događaja nije dozvoljeno biti ekstravagantan jer to podrazumjeva rasipanje imovine i moguću zavist kod drugih koji to ne mogu a nemaju duhovne samokontrole da obuzdaju osjećaj zavisti. A i jedno i drugo je od Allaha krajnje pokudeno. Svadbe se tretiraju istim principom i ono što se kod nas u Bosni smatralo svadbom je ustvari čin šejtanskog festivala. Da nas Allah sačuva toga. Amin!

12. Zastupanje neislamskih partija i ideologija je također vrlo aktuelno među Bosanskim Muslimanima do te mjere da neki od njih tako blesavo i suludo govore kako su oni Muslimani ali nisu vjernici. Šta oni zapravo žele reci je to da su oni potomci tradicionalnog Muslimanskog življa ali zastupaju neislamske ideologije i političke partije čiji cilj nije uspostavljanje Allahova Zakona na zemlji nego šejtanskog i ljudskog. Šta da kažem onima koji su toliko nerazumni da slijede nešto što vodi u Džehennem a ignorišu ono što vodi u Džennet. Pa jedino što im mogu reci je ono što i Allah Velicanstveni kaže:

"Vama vaša vjera a meni moja vjera!" (el~Kafirun: 6)

13. Ignorisanje Islamskih praksi i vjerovanja Druga aktuelna bolest kod Bosanskih Muslimana je uvjerenje da Islam više nije aktuelan i da se treba mijenjati kao i Kršćanstvo prema našim prohtijevima. Oni ne klanjaju, ne placaju zekat i ne poste niti Hadždž obavljaju a sebe tvrdoglavo nazivaju Muslimanima. Oni imaju mnoge isprike i vlastita neuka rezonovanja da je teško sve ih ovdje pribilježiti. Važno je napomenuti da svako onaj ko vjeruje da Islam više nije aktuelan i da se Islamski Zakon treba mijenjati zapravo i nije više Musliman bez obzira na njegovu tvrdnju. Nepraktikovanje Islama se granici s kufrom ali poricanje neophodnosti praktikovanja Islama je kufr tj. nevjerstvo. Stoga svi oni koji se nerazumno inate i tvrde da imaju čisto srce i da (zato) ne trebaju klanjati moraju znati da su time izišli van okvira Islama te ako stvarno žele biti Muslimani onda se obavezno moraju pokajati Allahu i napustiti takva uvjerenja i pokoriti se Allahovom Zakonu koliko god mogu a to znači da bar fardove obavljaju. Ako to ne učine bice gorko razocarani kada se u nevjerničkim krugovima na Sudnjem Danu prožive. Ja Rabbi sačuvaj nastakve sudbine. Amin!

14. Ismijavanje Islamskih ucenjaka Vrlo rasprostranjena bolest je nepoštivanje Islamskih ucenjaka, hodža, imama itd. Naime Islamski Zakon je vrlo striktan po pitanju respekta i pokornosti Islamskim ucenjacima te se onaj ko njih radi vjere ismijava i ruglu ih izvrgava smatra nevjernikom koji je otpao od Islama. Ako ih neko ne poštuje radi njihove korupcije to je druga stvar i radi toga se ne izlazi iz Islama ali je i ta praksa lošija alternativa.

Bolje je lijepo im pristupiti i polahko i strpljivo ih bodriti da se korupcije produ. Kada se ulema pokvari a narod ih ne popravlja onda je taj narod na pragu Allahove kazne. Stoga ucvrstimo svoje redove i pomozimo jedni drugima da na hajr izidemo i Allahu se cista srca povratimo. Ovdje je itekako važno da oni među poštenom ulemom povedu inicijativu jer su oni obučeni za kvalifikovan razgovor i ispravljanje u vjerskim pitanjima dok je neuk narod uvijek podložan šejtanskom poigravanju i pogrešnom pristupu ucenim ljudima čije znanje ih nije sacuvalo od korupcije. Ja Rabbi ocisti naše ucenjake od onog što im ne prilici i ucini ih nama dostojnim liderima i na ovom i na vječnom svijetu. Amin!

15. Neslijedjenje Islamskih pravnih institucija (mezheba) U zadnje vrijeme se u Bosni i kao i dijaspori pojavio fenomen nekih "vjerskih buntovnika" koji nece da slijede nijedan Sunni mezheb nego sami sebi vade fetve i vjerovanja iz Kur`ana i Hadisa. Oni se pozivaju na pisana djela nekolicine takvih buntovnika u zadnjih nekoliko stoljeca koji su htjeli da mjenjaju Islamski Zakon svojim vlastitim tumačenjima i shvatanjima koja su uglavnom bila razlicita od onih na čemu su se najveći Islamski ucenjaci stoljecima ujedinili time ostvarujući koncesus (idžmu) što je jedan od četiri izvora Islamskog Zakona (Šeriata). Da bi ste bolje shvatili ovaj fenomen i njegovu štetnost procitajte ovaj dokument.

Opet napominjem da ovaj dokument nisam pripremio da nekog guram van Islama nego da rastavim istinu od neistine koju je šejtan puno zapetljao. Nadam se i molim Allah Milostivog da naši Bosanski Muslimani uvide ispravno kakvo im je vjerovanje i time i vjечно boravište. Na kraju bih naveo Allahove dželle šanuhu rijeci:

"Reci: »O Allahovi robovi, koji ste se o sebe ogriješili, ne gubite nadu u Allahovu milost! Allah će, sigurno, sve grijehе oprostiti. Jer On Oprašta i Samilostan je.

Ako se povratite Gospodaru svome i pokorite Mu se prije nego šta vas kazna stigne, -- poslije cega vam niko u pomoc neće priskociti.

I slijedite ono što je najljepše, ono što vam Gospodara vaš objavljuje, prije nego što vam iznenada kazna ne dode, za čiji dolazak necete ni znati.

Da ne bi osoba zajaukala: »Teško se meni, koliko sam dužnosti prema Allahu propustio, nego sam se još k tome izrugivao.«

Stoga nemojte dozvoliti da vas šejtan prevari svojim lukavim došaptavanjima, "ah, ti si previše zlih djela i vjerovanja pocinio-la da bi ti Allah sve to oprostio, nemoj se zavaravati jer ti si predaleko odgurao-la i sad je prekasno za kajanje. Nastavi s mržnjom i zavidnošću jer ona ili on je prvi poceo i on ili ona je kriv za sve to a ne ja. Ahh ne budi naivan-na vec si probao-la nekoliko puta da se popraviš pa nije išlo pa što da se opet mucih oko beznadežne stvari. Ne brini se možda je to samo pricanje neke drevne knjige koju je mogao svako napisati, ko će znati jel to uopšte objava od Stvoritelja..."

Ovako prokletnik laže vjernicima i zamajava ih da bi im što više vremena i imana ukrao. A Allah Mudri i Samilosni njemu i njegovim lažima odgovara:

"O sinovi Ademovi, sve dok Me budete pozivali i od Mene trazili, Ja cu vam opraštati urpkos onom što ste pocinili, i Nece me biti briga. O sinovi Ademovi, kad bi se vaši grijesi nagomilali do neba, i vi onda zatražili oprosta od Mene, Ja bih vam opet oprostio. O sinovi Ademovi, kada bi mi došli sa grijesima velikim kao cijela Zemlja i suocili Me, ne pripisujuci Mi sudruga (u Božanstvu), Ja bih vam podario isti toliki oprost!"

Prenio Imam Tirmizi koji kaže da je ovaj hadis "hasan i sahih".

Moji dragi Bošnjaci, zar cete poslije ovako divnih Allahovih rijeci oprosta i slušati šejtanove laži i obeshrabrivanje?! Zar cete tražiti šejtanovo društvo umjesto Allahovog?! Zar cete pokleknuti pod šejtanskim rijecima: "ehh, šta se brineš ti si još mlad-a, ima vremena da se

pokaješ kad ostariš ili kad završiš što si naumio-la."

A Allah Milostivi vam je vec rekao u gore navedenom ajetu da se pokajete i prodete nevaljalih djela prije nego vas zadesi kazna i melek smrti zgrabi vašu dušu nakon cega vam niko nece moci pomoci. Dragi moji smrt vreba nad našim glavama svake sekunde i niko od nas nije siguran da ce uspjeti doci do slijedeceg daha. Ljudi svakodnevno ginu ispred naši ociju, hiljade ljudi pa i cijela sela i gradovi i skoro svi se nisu tome nadali niti su to ocekivali kad im se desi. Stoga nemojte slušati vašeg i Allagovog dušmana nego se okrenite Allahu i tražite oprosta i pomoci da istrajete na pravom putu. Svaki dan i noc se pokajte za loša djela i obnovite svoj iman jer ne znate šta vas ceka i da li cete se probuditi iz sna niti da li cete docekati slijedecu noc. Ovo vrijeme je vrlo kobno i Allahove dželle šanuhu kazne se vide po mnogim zemljama širom svijeta i što je najžalosnije malo je onih koji su se kajali i od Allaha Milostivog oprosta tražili nego su umrli u grijehu i oholosti. Da nas Allah Samilosni sacuva takve smrti i da nam sacuva naše potomstvo od svega što izvodi iz Njegova zadovoljstva. Amin Jaa Rabbel~`Alemin!!!

Vel~hamdulillahi rabbil~`alemin ves~salatu ves~selamu `ala sejjidina Muhammed, ve `ala aalihi ve sahibihi edžme`in.

Horsens 20. december 1999

<http://hjem.get2net.dk/rogatica/upozorenje.htm>